



Հայաստանի Ի Նպաստ Դրամահաւա՞ Լոս Անճելըսի Մարաթոնին

ԼՈՍ ԱՆՃԵԼԸՍ.- Կիրակի, Մարտ 20ին կայացած Լոս Անճելըսի Մարաթոնին ընթացքին, խումբ մը Հայորդիներ առիթը օգտագործած են «Ռիլ Մետիսին» Հիմնարկին միջոցաւ դրամահաւաք կատարելու համար:

Հակառակ տեղացող անձրեւին, Մարաթոնի մասնակիցներուն մէկ մասը ամբողջացուց 5 քլմ. վազքը, իսկ ուրիշներ՝ ամբողջ մրցումը (26.2 մղոն), գոյացնելով 22,000 տոլար գումար մը, որուն մէկ մասը պիտի յատկացուի նաեւ ճափոնի երկրաչարժէն ու ծովաչարժէն տուժած քաղաքացիներու:

Հայաստանի մէջ, «Ռիլ Մետիսին» Հիմնարկը իր աշխատանքը կեդրո-

նացուցած է Ծինուհայր գիւղին մէջ գործող դարմանատան վրայ, որ երեխաներու եւ մայրերու բժշկական սպասարկութիւններ կը տրամադրէ մօտակայ 7 գիւղերու մէջ եւս:

Երեխաներու պատուաստումներու կողքին, դարմանատունը շտապ օգնութեան ու խորհրդատուական սպասարկութիւններ, ինչպէս նաեւ ճրի դեղորայք կը տրամադրէ շրջանի բնակչութեան:

Հիմնարկը մարդասիրական աշխատանք կը տանի աշխարհի տարածքին: Անոր գործունէութեան մասին մանրամասն տեղեկութիւններ կարելի է գտնել www.realmedicinefoundation.org կայքին վրայ: